

Rapport da gestiun 2020

Charas commembras, chars commembers, charas faaturas, chars fauteurs charas amias e chars amis da La Fliana

Quist rapport cumpiglia la perioda da l'on da gestiun 2020. Ün on plainamaing i'l bandaschun dal virus da Corona chi per finir nun ha laschè pro la realisaziun dal program üsità. La decisiun da sdir giò ils cuors ha la suprastanza, insembel culla manadra dal comitè, trat da prümavaira, cur cha ningün nu pudaiva savair sco chi va inavant culla pandemia ed eir che per consequenzas cha tala ha. La sgürezza da las commembras e dal commembers vaiva priorità ed a la fin s'haja vis, cha la decisiun es statta la güsta. Però eir hoz amo, daplü sco ün on plü tard, vegn dictà nos minchadi da masüras da protecziun e variantas dal virus chaschunan amo adüna tschertas malsgürezzas. Previsibelmaing varan ils cuors da quist on lö cun reglas da distanza, limitaziuns da participantas e participants ed oter plü. Stain cul buonder e sperain, adonta da tuot, da pudair passantar quist on darcheu bels mumaints da cumpagnia a Lavin.

Eir la radunanza generala dal 2020 es statta üna victima dal dictat da la pandemia ed ha per la prüma jada ill'istorgia da la società, stuvü gnir manda tras in scrit, sainza reuniun a Lavin. Üna situaziun chi'd es statta üna gronda sfida per la suprastanza.

Il comitè ha quist on muossà ün grond ingaschamaint ed ha organisà ün program fich interessant. Displaschaivelmaing sainza til pudair realisar. Ma la lavur prestada nu dess esser statta invana e tuot ils referents, manadras e manaders sun stats pronts da spostar lur ingaschamaint sül prossem on. Ün grond grazcha fich a tuottas e tuots per la flexibilità e l'incletta.

La situaziun finanziaria da nossa società es pel mumaint amo allegraivla. Il svilup però fa schon pisser. Las entradas tras commembranzas es i inavò per frs. 1'348.00 e l'on 2020 nu vaina pudü profitar da la contribuziun chantunala, adonta avair gnü diversas sortidas. Uschè resulta per l'on da gestiun ün minus da frs. 2'298.60. Natüralmaing chi mancan eir las entradas dals referats.

Güst in temps uschè difficils va nos ingrazchamaint a tuottas persunas, chi han eir quist on contribui vi da la prosperità da nossa società. Quai sun las commembras e commembers, donaturas e donatur per sustegn finanziel, tuottas commembras dal comitè ed ad Anna Margaritta Filli, Lavin, pel sustegn in chasa Fliana sco eir a tuottas otras persunas, chi sustegnan in qual sia möd La Fliana.

Grazcha fichun eir als organs da nossa società, nempe a la suprastanza ed als revisurs da quint per la buna collavuraziun.

Zernez, 12 lügl 2020

Il president: *Fabian Schorta*